



Broj:12-30-9121/22
Zenica, 02.08.2022.godine

Na osnovu člana 20. i 23. Zakona o namještenicima u organima državne službe u FBiH („Službene novine FBiH“, broj:49/05), člana 47. Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-34-27995-1/12 od 20.12.2012.godine, Pravilnika o izmjenama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-34-5319/17 od 05.04.2017.godine, Pravilnika o izmjenama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-34-6734/19 od 26.04.2019.godine i Pravilnika o izmjenama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-30-18019/20 od 15.12.2020.godine, Pravilnika o izmjeni Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-30-18019-1/20 od 26.05.2021.godine, Pravilnika o izmjeni Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-30-18019-1-1/20 od 27.08.2021.godine i Pravilnika o dopuni Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-30-18019-1-2/22 od 26.04.2022.godine te Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona, broj:02-30-9121-3/22 od 13.07.2022.godine, a zbog ukazane potrebe nastavka postupka popune upražnjenog radnog mjesta u Direkciji za ceste koja je u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, putem javnog oglasa (obzirom da se popuna radnog mjesta nije izvršila putem internog oglasa), ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, dana 02.08.2022. godine, o b j a v l j u j e

JAVNI OGLAS
za popunu upražnjenog radnog mjesta namještenika u
Ministarstvu za prostorno uređenje, promet i komunikacije i zaštitu okoline
Zeničko-dobojskog kantona

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, raspisuje Javni oglas za prijem namještenika na radno mjesto:

„Viši referent za rekonstrukciju i izgradnju cesta“ – 1 (jedan) izvršilac na neodređeno vrijeme u Direkciji za ceste koja je u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona

(1) Opis poslova radnog mjesta:

1. Viši referent za rekonstrukciju i izgradnju cesta vrši sljedeće poslove:

Prikuplja i obrađuje određene podatke koji služe za utvrđivanje cijena predviđenih za određene oblasti, daje informacije strankama o potrebnoj dokumentaciji za ostvarivanje

određenih prava ili izvršavanje obaveza, prati izvršenje radova po kvalitetu i kvantitetu u skladu sa ugovornom dokumentacijom, prikuplja podatke o stanju cesta i dostavlja ih pomoćniku direktora, vodi evidenciju o gradilišnoj dokumentaciji za okončane projekte, kompletira predmete i odlaže u arhivu, vodi arhivsku knjigu predmeta i arhivske građe, učestvuje u brojanju prometa, radi na terenu u postupku izdavanja cestovnih saglasnosti, vodi evidenciju o naknadama za korištenje cestovnog zemljišta, odgovoran je za poznavanje i pridržavanje procedura BAS EN ISO 9001:2000 standarda, obavlja i druge poslove i zadatke po nalogu Šefa odjeljenja.

Za svoj rad odgovoran je Šefu odjeljenja.

2. Uslovi za obavljanje poslova:

IV stepen stručne spreme, građevinski, saobraćajni, mašinski ili geodetski tehničar, 10 mjeseci radnog staža, položen upravni stručni ispit i poznavanje rada na računaru.

3. Vrsta djelatnosti: Dopunski poslovi osnovne djelatnosti.

4. Naziv grupe poslova: Stručno-operativni i administrativno-tehnički

5. Složenost poslova: Djelimično složeni

6. Status: Namještenik

7. Naziv propisa koji se koriste u vršenju poslova:

a) Zakon o namještenicima u organima državne službe u F BiH („Službene novine F BiH“, broj:49/05)

b) Uredba o kancelarijskom poslovanju („Službene novine F BiH“, broj:20/98)

Pored općih uvjeta propisanih članom 24. Zakona o namještenicima u organima državne službe u Federaciji BiH, svi kandidati treba da ispunjavaju i posebne uvjete utvrđene Pravilnikom, i to:

- srednja školska sprema građevinski, saobraćajni, mašinski ili geodetski tehničar, IV stepen stručne spreme;
- položen stručni ispit (za rad u organima uprave);
- najmanje 10 mjeseci radnog staža;
- poznavanje rada na računaru.

Uz prijavu na Javni oglas, koja sadrži kraću biografiju, adresu i kontakt telefon, kandidati su obavezni priložiti original ili ovjerene kopije sljedećih dokumenata:

1. diplomu/svjedočanstvo o srednjoj školskoj/stručnoj spremi odgovarajućeg smjera;
2. uvjerenje o stručnom ispitu (ako su ispit položili);
3. uvjerenje o državljanstvu ne starije od šest mjeseci od dana izdavanja uvjerenja od strane nadležnog organa;
4. izvod iz matične knjige rođenih;
5. potvrdu ili uvjerenje ranijeg poslodavca/ranijih poslodavaca o potrebnom radnom stažu;
6. uvjerenje/certifikat/diplomu/kopiju upisnice-indexa sa fakulteta ili druge isprave koja potvrđuje poznavanje rada na računaru;
7. izjavu kandidata da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u BiH, datu i ovjerenu kod nadležnog organa; i
8. izjavu kandidata ovjerenu u općini ili sudu kojom kandidat potvrđuje da nije obuhvaćen odredbom člana IX 1. Ustava Bosne i Hercegovine („Nijedno lice koje se nalazi na izdržavanju kazne, izrečene presudom Međunarodnog tribunala za bivšu Jugoslaviju, i niti jedna osoba koja je pod optužnicom Tribunala a koja se nije ponašala naredbi da se pojavi pred Tribunalom, ne može biti kandidat ili imati bilo koju neimenovanu, izbornu ili drugu javnu funkciju na teritoriji Bosne i Hercegovine.“).

Napomena za kandidate:

- pod radnim stažom, podrazumijeva se isključivo radni staž nakon stečene srednje školske sprema, odgovarajućeg stepena, uključujući pripravnički i volonterski staž na poslovima srednje stručne sprema, ali ne i staž stečen na poslovima osnovne, više ili visoke stručne sprema,
- namještenik srednje školske sprema, koji u vrijeme prijema u radni odnos u organ državne službe ima potreban radni staž, a nije položio stručni ispit, može se primiti u radni odnos, ali je obavezan taj ispit položiti najkasnije u roku od šest mjeseci od dana prijema u radni odnos,
- dokaz o zdravstvenoj sposobnosti/ ljekarsko uvjerenje i uvjerenje da se protiv kandidata ne vodi krivični postupak (ne starije od tri mjeseca) obavezan je dostaviti prije stupanja na posao onaj kandidat koji bude izabran.

Neblagovremene i nepotpune prijave neće se uzeti u razmatranje, a o rezultatima Javnog oglasa kandidati će biti pismeno obaviješteni.

Oglas ostaje otvoren 15 (petnaest) dana od dana objavljivanja oglasa, računajući od dana posljednje objave javnog oglasa u 3 dnevna lista koja se distribuiraju na cijelom području Federacije Bosne i Hercegovine.

Prijave sa kratkom biografijom i dokazima o ispunjavanju uvjeta iz oglasa treba dostaviti lično na protokol Zeničko-dobojskog kantona ili putem pošte preporučeno, na adresu:

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, ul. Kučukovići broj 2, Zenica sa naznakom za „Javni oglas za popunu radnog mjesta namještenika“.

